



ამიერკავკასიის სოციალისტური ფედერატიული საბჭოთა რესპუბლიკის
მუშათა და გლეხთა მთავრობის

კანონთა და განკარგულებათა კრებული

1932 წლის
ივლისის 5

№ 17

გ ა ნ ც ო დ ი ო ჟ მ ა პ ი რ ე ლ ი

ა/კსფსრ სახალხო კომისარ-
თა საბჭოს საქმეთა მმართველობის გამოცემა.

შ ი ნ ა ა რ ს ი:

დადგენილებანი ამიერკავკასიის ცენტრალური აღმასრულებელი კომიტეტისა
და ა/კსფსრ სახალხო კომისართა საბჭოსი.

- მუხ. 126. ა/კსფსრ წყალთა მეურნეობის მმართველობის ორგანოების დებულების ახალი რედაქციის დამტკიცებასთან დაკავშირებით ა/კსფსრ კანონმდებლობის შეცვლის შესახებ.
- 127. „ა/კსფსრ-ის დიდრონ კოლექტიურ მეურნეობებში კულტურულ-საყოფაცხოვრებო დაწესებულებათა მშენებლობისა და გაწყობისათვის ხელისშემწყობი ფონდების დებულების დამტკიცების თაობაზე“ გამოცემული ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1930 წ. მარტის 15-ის დადგენილების გაუქმების შესახებ.
- 128. ა/კსფსრ შრომის კანონთა კოდექსის შეცვლისა და დამატების შესახებ.

დადგენილებანი ამიერკავკასიის ცენტრალური აღმასრულებელი
კომიტეტისა.

- 129. საწარმოში საბჭოების დებუტატთა ჯგუფების მუშაობის შესახებ.
- 130. შრომის კანონთა კოდექსის 68 და 87 მუხლებისათვის შენიშვნის დამატების შესახებ.
- 131. კალა-მაშტაგინის სარაიონო აღმასრულებელი კომიტეტის თაობაზე გამოტანილი სსრკ-ის ცენტრალური აღმასრულებელი კომიტეტის პრეზიდიუმის 1931 წ. ოქტომბრის 23-ის დადგენილებისა და ამიერკავკასიის ცენტრალური აღმასრულებელი კომიტეტის პრეზიდიუმის 1931 წ. დეკემბრის 13-ის დადგენილების რეალიზაციის მსვლელობის შესახებ.
- 132. ა/კსფსრ უზენაესი სასამართლოს დებულების მე-11 მუხლის შეცვლის შესახებ.

დადგენილება ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

126. ა/კფსრ წყალთა მეურნეობის მმართველობის ორგანოების დებულების ახალი რედაქციის დამტკიცებასთან დაკავშირებით ა/კფსრ კანონმდებლობის შეცვლის შესახებ.

ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოს 1932 წ. მარტის 27-ის დადგენილებასთან დაკავშირებით, რომელი დადგენილებითაც დამტკიცებულია დებულება ა/კფსრ წყალთა მეურნეობის მმართველობის ორგანოების შესახებ, ამიერკავკასიის ცენტრალური აღმასრულებელი კომიტეტი და ა/კფსრ სახალხო კომისართა საბჭო ადგენენ:

ძალადაკარგულად ჩაითვალოს:

ა) ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოს 1927 წ. სექტემბრის 5-ის დადგენილებით დამტკიცებული დებულება ა/კფსრ წყალთა მეურნეობის ორგანოების შესახებ (ა/კფსრ კან. კრ. 1927 წ. მე-17 №-ი, მუხ. 203);

ბ) ა/კფსრ სახალხო კომისართა საბჭოს 1929 წ. თებერვლის 21-ის დადგენილებით დამტკიცებული დებულება მტკვარ-არაქსის ბასსეინის წყლის რესურსების გამოყენების სქემის შემდგენელი სამმართველოს შესახებ (ა/კფსრ კან. კრ. 1929 წ. მე-5 №-ი, მუხ. 38);

გ) ა/კფსრ სახალხო კომისართა საბჭოს 1931 წ. ივნისის 19-ის დადგენილება „ა/კფსრ წყალთა მეურნეობის ორგანოების რეორგანიზაციის შესახებ“ (ა/კფსრ კან. კრ. 1931 წ. მე-12 №-ი, მუხ. 157).

ამიერკავკასიის ცენტრალური აღმასრულებელი
კომიტეტის თავმჯდომარე მ. ეფენდიევი.

ა/კფსრ სახალხო კომისართა
საბჭოს თავმჯდომარე გ. მუსაბეკოვი.

ამიერკავკასიის ცენტრალური აღმასრულებელი
კომიტეტის მდივანი გ. სულთანოვი.

1932 წ. მაისის 17.

ტფილისი.



დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

127. „ა/კსფსრ დიდრონ კოლექტიურ მეურნეობებში კულტურულ-საყოფაცხოვრებო დაწესებულებათა მშენებლობისა და გაწყობისათვის ხელის შემწყობი ფონდების დებულების დამტკიცების თაობაზე“ გამოცემული ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1930 წ. მარტის 15-ის დადგენილების გაუქმების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1930 წ. მარტის 15-ის დადგენილება „ა/კსფსრ დიდრონ კოლექტიურ მეურნეობებში კულტურულ-საყოფაცხოვრებო დაწესებულებათა მშენებლობისა და გაწყობისათვის ხელისშემწყობი ფონდების დებულების დამტკიცების შესახებ“ და თვით აღნიშნული დებულება გაუქმებულ იქნეს.

ამიერკავკასიის ცენტრალური აღმასრულებელი
კომიტეტის თავმჯდომარე **მ. ეფენდიევი.**

ა/კსფსრ სახალხო კომისართა
საბჭოს თავმჯდომარე **გ. მუსაბეკოვი.**

ამიერკავკასიის ცენტრალური აღმასრულებელი
კომიტეტის მდივანი **გ. სულთანოვი.**

1932 წ. მაისის 27.
ტფილისი.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

128. ა/კსფსრ შრომის კანონთა კოდექსის შეცვლისა და დამატების შესახებ.

შრომის კანონმდებლობის შეცვლის შესახებ გამოცემულ სსრკ-ის სახალხო კომისართა საბჭოს 1931 წ. აგვისტოს 11-ის დადგენილებასთან დაკავშირებით (სსრკ კან. კრ. 1931 წ. 51 №-ი, მუხ. 334)—ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

ა/კსფსრ შრომის კანონთა კოდექსის 83 მუხლი, 93¹ მუხლის პირველი ნაწილის „ა“ პუნქტი, 93¹ მუხლის მეორე ნაწილის „ბ“ პუნქტი და 172-¹ მუხლის „ლ“ პუნქტი მიღებულ იქნეს ქვემომდევნო რედაქციით და თვით კოდექსს დაემატოს 83¹ მუხლი ქვემომდევნოვე შინაარსისა:

„მუხ. 83. მუშა და მოსამსახურე პასუხისმგებელი არიან ქონებრივად დამქირავებლის წინაშე სამსახურებრივი მოვალეობის აღსრულების დროს მიყენებული ზიანისთვის ნამდვილი ზიანის ოდენობით, ხოლო არა უმეტეს მათი სატარიფო განაკვეთის $\frac{1}{3}$ -სა, უკეთუ ზიანი გამოწვეულია მუშაობაში დაუდევრობით ან კანონისა, შინაგანრიგების წესებისა, სპეციალური ინსტრუქციისა და დამქირავებლის განკარგულების დარღვევით.

ამგვარ პასუხს მუშა და მოსამსახურე ავებენ იმ შემთხვევაში და იმ წესით, რაც გათვალისწინებულია სსრკ-ის ცენტრალური აღმასრულებელი კომიტეტისა და სახალხო კომისართა საბჭოს დადგენილებით „მუშათა და მოსამსახურეთა ქონებრივი პასუხისმგებლობის შესახებ დამქირავებლისათვის მიყენებული ზიანის გამო“ (სსრკ კან. კრ. 1929 წ. 42 №-ი, მუხ. 367 და 1931 წ. 51 №-ი, მუხ. 334).

„მუხ. 83¹. მუშა და მოსამსახურე პასუხისმგებელ არიან ქონებრივად დამქირავებლის წინაშე მიყენებული ზიანისათვის ზიანის მთელი ოდენობის ფარგლებში ისეთ შემთხვევაში, რაც გათვალისწინებულია სსრკ-ის ცენტრალური აღმასრულებელი კომიტეტისა და სახალხო კომისართა საბჭოს დადგენილებით „მუშათა და მოსამსახურეთა ქონებრივი პასუხისმგებლობის შესახებ დამქირავებლისათვის მიყენებული ზიანის გამო“ (სსრკ კან. კრ. 1929 წ. 42 №-ი, მუხ. 367).

93¹ მუხლის პირველი ნაწილის „ა“ პუნქტი:

„დათხოვნისა და აგრეთვე მომუშავეის ხვედრი თანხებიდან ფულის გამოკლების საკითხების თაობაზე—14 დღე“.

93¹ მუხლის მეორე ნაწილის „ბ“ პუნქტი:

„ყველა დამქირავებლისათვის ფულის გამოკლების საქმეზე—დღიდან მომუშავეის განცხადებისა ფულის გამოკლების უკანონობის ან არასწორი რაოდენობით გამოკლების შესახებ, ხოლო დამქირავებლის მიერ მომუშავეის სარგებლობაში გადაცემული ქონების მითვისებისა, დაკარგვის ან განზრახ გაფუჭებისათვის ფულის გამოკლების საქმეზე—დღიდან ზიანის გამოაშკარავებისა“.

172¹-ლი მუხლის „ლ“ პუნქტი:

„ბრაკის ღირებულების გადახდევინება და დამქირავებლისათვის მიყენებული ზიანის გამო ფულის გამოკლება, როდესაც სპეციალური კანონით საამისოდ საჭიროა შემფასებელ-საკონფლიქტო კომისიის გადაწყვეტილება“.

ამიერკავკასიის ცენტრალური აღმასრულებელი

კომიტეტის თავმჯდომარე მ. ეფენდიევი.

ა/კსფსრ სახალხო კომისართა

საბჭოს თავმჯდომარე გ. მუსაბეკოვი.

ამიერკავკასიის ცენტრალური აღმასრულებელი

კომიტეტის მდივანი გ. სულთანოვი.

დადგენილება ამიერკავკასიის ცენტრალური აღმასრულებელი კომიტეტისა.

129. საწარმოში საბჭოების დეპუტატთა ჯგუფების მუშაობის შესახებ.

მოიხილა—რა ამიერკავკასიის ცენტრალური აღმასრულებელი კომიტეტის საორგანიზაციო განყოფილების გამგის ამხ. ბარკაიას მოხსენება სხვადასხვა მძღვანებელ საწარმოში მოქმედ საბჭოების დეპუტატთა ჯგუფების ამიერკავკასიის თათბირის შედეგების შესახებ, ამიერკავკასიის ცენტრალური აღმასრულებელი კომიტეტის პრეზიდიუმი აღნიშნავს ამ თათბირის მოწვევის თავისდროულობას და იმ მაღალ აქტივობას, რაც გამოიჩინეს დელეგატებმა—საუკეთესო დამკვერღების წარმომადგენლებმა, საბჭოების წევრებმა და რაც გამოიხატა ამიერკავკასიის დეპუტატთა ჯგუფების საურთიერთო სოციალისტურ თავდებობაში—გააუმჯობესონ თავიანთი შემდგომი მუშაობის ფორმები და მეთოდები სამრეწველო-საფინანსო გეგმისათვის საბრძოლველად. ამისდამიხედვით ამიერკავკასიის ცენტრალური აღმასრულებელი კომიტეტის პრეზიდიუმი აღგენს:

1. დამტკიცებულ იქნეს სხვადასხვა მძღვანებელ საწარმოში მოქმედ საბჭოების დეპუტატთა ჯგუფების ამიერკავკასიის 1-ლი თათბირის გადაწყვეტილება—დეპუტატთა ჯგუფების ამოცანებისა, მათი მუშაობის ფორმებისა და მეთოდების შესახებ—1-ლი ხუთწლედის მე 4 დამამთავრებელი წლის სახალხო-სამეურნეო გეგმის აღსრულებასთან და მე-2 ხუთწლედისათვის მომზადებასთან დაკავშირებით.

2. წინადადება მიეცეს ინფორმაციისა და ბეჭდვითი სიტყვის განყოფილებას—გამოსცეს, არა უგვიანეს ა/წ. მაისის 10-სა, დეპუტატთა ჯგუფების ამიერკავკასიის 1-ლი თათბირის სტენოგრაფიული ანგარიში.

ამიერკავკასიის ცენტრალური აღმასრულებელი
კომიტეტის თავმჯდომარე ფ. მახარაძე.

ამიერკავკასიის ცენტრალური აღმასრულებელი
კომიტეტის მდივანი გ. ხულთანოვი.

1932 წ. აპრილის 27.
ტიფლისი.

რ ე ზ რ ლ უ ც ი ა

სხვადასხვა მძღვანებელ საწარმოში მოქმედ საბჭოების დეპუტატთა ჯგუფების ამიერკავკასიის 1-ლი თათბირისა—იმ მოხსენების თაობაზე, რაც ეხება სხვადასხვა საწარმოში მოქმედ საბჭოების დეპუტატთა ჯგუფების ამოცანებს 1-ლი ხუთწლედის დამამთავრებელი წლის სახალხო-სამეურნეო გეგმის აღსრულებასთან და მე-2 ხუთწლედისათვის მომზადებასთან დაკავშირებით.

ხუთწლედის მეოთხე დამამთავრებელი წელი და მეორე ხუთწლედისათვის მომზადება ამიერკავკასიის პროლეტარიატისა და ყველა მშრომლის წინაშე აყენებს უდიდესი მნიშვნელობის ამოცანებს ინდუსტრიალიზაციის გეგმის შეთვისებისა და განხორციელებისა და მაღალ-ტექნიკური კულტურების განვითარების

სას, რაც მოითხოვს ამიერკავკასიის საბჭოებისაგან—უფრო მეტად გაძლიერონ თავიანთი აქტიურ-რევოლუციონური როლი სოციალისტური მშენებლობის მორიგი საკითხების ბოლშევიკურად აღსრულების ბრძოლისათვის.

ამ ამოცანების წარმატებით აღსრულების ერთ-ერთი გადამწყვეტი პირობა—შემდგომი გაძლიერება საწარმოში მთელი საბჭოთა მუშაობის ორგანიზატორებისა—დეპუტატთა ჯგუფებისა, რომელნიც წარმოადგენენ ძირითად ბერკეტს ყველა დეპუტატისა და საბჭოთა აქტივის ფართო ფენების მობილიზაციისათვის წარმოებაში სამეურნეო-პოლიტიკური კამპანიების წარმატებით ჩასატარებლად.

გამოცდილობამ გვიჩვენა, რომ დეპუტატთა ჯგუფები, როგორც ერთ-ერთი ფორმა საბჭოების მუშაობისა საწარმოში, წარმოადგენენ სრულიად ცხოველმყოფელ და მიზანშეწონილ ორგანიზაციას, რომელიც ნამდვილი დასაყრდენია საბჭოებისა მათი მუშაობისათვის ფაბრიკებსა და ქარხნებში.

გადიდდა დეპუტატებისა და მათ მიერ გაერთიანებული საბჭოთა აქტივის ავანგარდული როლი წარმოებაში მათი შედგენილობის რიცხოვობრივი და თვისებრივი განმტკიცების საფუძველზე. არსებითად, დეპუტატთა ჯგუფების მუშაობაში წარმოების მუშაობის გაუმჯობესების და სამრეწველო-საფინანსო გეგმის აღსრულების საკითხებს, ამხ. სტალინის ექვსი პირობის საფუძველზე, ეჭირა მძლვანებელი ადგილი და ამ საკითხებს ეთმობოდა დიდი ყურადღება და ღონე.

ამასთან ერთად დეპუტატთა ჯგუფების მუშაობაში არის ნაკლოვანებანი, რაც ძირითად შემდგომი გამოიხატება: ა) მუშაობა აგებულია არასაკმარისი საორგანიზაციო გარკვეულობით და მასური მუშაობის ცენტრის საამქროსა და ბრიგადაში გადატანით; ბ) თავს იჩენს „სხდომებზე ფუსფუსისადმი“ მიდრეკილება, რაც იმის შედეგია, რომ ზოგიერთ საწარმოში არ არსებობს გეგმიანობა დეპუტატთა ჯგუფების მუშაობაში, რომ დამკვერელი-მუშები საკმარისად მოცულ არ არიან საბჭოთა მუშაობით და რომ არ არსებობს შრომის სოციალისტური მეთოდების (სოცმუჯიბრება, ბუქსირი, დამკვერელობა და სხვა მისთ.) თაოსნობისა და ფართოდ გაშლის უნარი სამრეწველო-საფინანსო გეგმის რაც შეიძლება უკეთესად შესრულებისათვის ამხ. სტალინის ექვსი პირობის საფუძველზე.

ამის გარდა, აქამდე ჯერ კიდევ არის შემთხვევები დეპუტატთა ჯგუფების როლის შეუფასებლობისა როგორც მთელი რიგი ორგანიზაციების მხრით (პროფესიონალური, საზოგადოებრივი და სხვ.), ისე თვით დეპუტატთა ჯგუფების მიერ. ეს შეუფასებლობა გამოიხატება „მემარცხნული“ ხასიათის მკენებელ „თეორიაში“, რომ საჭიროა დეპუტატთა ჯგუფები საწარმოში გადაქცეულ იქნენ საბჭოებად—ხელისუფლების უზენაესი ორგანოს ყველა ადმინისტრატიული უფლებით და ფუნქციით; მეორე შემთხვევაში, პირიქით, დეპუტატთა ჯგუფების არსებობა მიჩნეულია არა საჭიროდ, როგორც ზედმეტი ორგანიზაციისა; ეს უკანასკნელი მოვლენა იმაში გამოიხატა, რომ დეპუტატთა ჯგუფები მოწყობილ იქნენ ადგილობრივ კომიტეტებთან და საფაბრიკო კომიტეტებთან, ან მოწყობილ იქნენ მხოლოდ ფორმალურად; თანაც მათ ზოგიერთი საქალაქო საბჭოების მხრით სათანადო ხელმძღვანელობა და დახმარება არ ეწეოდათ სისტემატიური ინსტრუქტაჟისა, გამოცდარლების აღნუსხვისა და ვაკვლა-გამოცვლის სახით და სხვა მისთ.

აღნიშნავს-რა ზემოდ დასახელებულ ნაკლოვანებათ როგორც დეპუტატთა ჯგუფების მუშაობაში, ისე მთელი რიგი ორგანიზაციების ხაზით, დეპუტატთა ჯგუფების ამიერკავკასიის 1-ლი თათბირი საჭიროდ სთვლის მიაქციოს ყველა საბჭოთა მასსური ორგანიზაციის უმწვერვალესი ყურადღება იმ გარემოებას, რომ აუცილებლად საჭიროა მკვეთრი ბრძოლა ყოველგვარ დამახინჯებასთან დეპუტატთა ჯგუფების აგების სფეროში.

ამისდამხედვით და ამიერკავკასიის ცენტრალური აღმასრულებელი კომიტეტის პრეზიდიუმის 1932 წ. მარტის 27-ის დადგენილების (დეპუტატთა ჯგუფების მუშაობის შესახებ) სახელმძღვანელოდ მიღებით—თათბარი ადგენს:

ა. საორგანიზაციო აგების სფეროში.

1. თანახმად ამიერკავკასიის ცენტრალური აღმასრულებელი კომიტეტის დადგენილებასა—დეპუტატთა ჯგუფების საორგანიზაციო სტრუქტურის შესახებ და საწარმოში საბჭოთა მასსური მუშაობის შემდგომი განვითარებისა და ამ მუშაობის თვითეულ საამქრომდე და მუშამდე მიწვდენის მიზნით—საჭიროდ იქნეს ცნობილი, რათა დიდრონ საწარმოში, საერთო-საქარბნო დეპუტატთა ჯგუფის გარდა, მოეწყოს აგრეთვე დეპუტატთა ჯგუფის საამქრო უჯრედი საერთო საქარბნო ჯგუფის ხელმძღვანელობით.

2. კომბინატებში და საწარმოთა შენაერთებში დეპუტატთა ჯგუფები მოეწყოს საწარმოთა ხაზით. გაერთიანებულ საწარმოთა ან კომბინატის დეპუტატთა ჯგუფების მუშაობისათვის საერთო ხელმძღვანელობის გასაწევად მოეწყოს დეპუტატთა ჯგუფების ბიურო, რომელიც აირჩევა კომბინატში გაერთიანებულ საწარმოთა დეპუტატების ჯგუფების კონფერენციაზე.

3. რათა სარაიონო საბჭოებმა, ხოლო იქ, სადაც ეს საბჭოები მოწყობილი არ არის, საქალაქო საბჭოებმა გააძლიერონ ხელმძღვანელობის გაწევა დეპუტატთა ჯგუფებისათვის—შემოღებულ იქნეს პრაქტიკად საქალაქო საბჭოების (სარაიონო საბჭოების) სპეციალური ინსტრუქტორების გამოყოფა დეპუტატთა ჯგუფების მუშაობის ინსტრუქტაჟისა და გამოკვლევისათვის; ეს ინსტრუქტორები მიმაგრებულ უნდა იქნენ საწარმოთა დეპუტატების ჯგუფებზე სადარგო ნიშნის მიხედვით.

4. ფართოდ უნდა იყოს პრაქტიკაში შემოღებული საბჭოების წევრთაგან საუკეთესო დამკვრელთა, ტენიკურად მცოდნეთა, დაწინაურება საქალაქო საბჭოების შტატ-გარეშე ინსტრუქტორებად დანიშნვისათვის დეპუტატთა ჯგუფებში.

ბ. მუშაობის წარმართვისა და დეპუტატთა ჯგუფების მორიგი ამოცანების სფეროში.

1. დეპუტატთა ჯგუფებმა საწარმოში უნდა მოახდინონ მობილიზაცია მუშების და სპეციალისტების საწარმოო აქტიობისა, რაც თანდათან იზრდება, თავიანთი საწარმოს სამრეწველოსაფინანსო გეგმის ყველა რაოდენობითი და თვისებითი მაჩვენებლების სრული და თავისდროული აღსრულებისათვის. დეპუტატთა ჯგუფებმა უნდა გამოიჩინონ მაქსიმუმი ინიციატივა და სათავეში ჩაუდგენ

რაციონალიზატორულ მოძრაობას წარმოების ტექნოლოგიური პროცესის გაუმჯობესებისათვის, სამეურნეო ანგარიშის შემოღებისათვის, ეკონომიის რეჟიმისათვის, შრომის ნაყოფიერების გადიდებისათვის, საიმპორტო გაწყობილობის შემოზიდვის შემცირებისათვის—შინაგანი რესურსების და ჩვენი ქვეყნის წარმოების მასალის მობილიზაციით და წარმოებაში გამოყენებით, და აგრეთვე მომუშავეთა სოციალურ-საყოფაცხოვრებო და კულტურულ მოთხოვნილებათა რაც შეიძლება უკეთესად მომსახურებისათვის.

2. ბაქოს ნავთის მრეწველობის საწარმოთა დეპუტატების ჯგუფები მოვალენი არიან, სოცშეჯიბრებისა და დამკვრელობის წესით, დახმარება გაუწიონ ბათუმის ნავთსახდელ ქარხნებს და საქართველოს ნავთის ახლად აღორძინებულ საწარმოთ და გადასცენ მათ თავიანთი და თავიანთ საწარმოთა მუშაობის გამოცდილება საუკეთესო დამკვრელების—დეპუტატთა ჯგუფების წევრთა გავზავნით, სასურთიერთო სოციალისტური თვდებობის ხელშეკრულების დადებით და და პროლეტარული ურთიერთი დახმარების სხვა ფორმით.

3. ბაქოს და ბათუმის ნავთსახდელი ქარხნების დეპუტატთა ჯგუფებმა უნდა შექმნან ურთიერთშორის მჭიდრო კავშირი—მასსური საბჭოთა მუშაობის ახალი ფორმების, მეთოდების და გამოცდილებისა და ნავთის გამოხდისა და გაწმენდის (ბენზინი, ზეთიული, კეროსინი და სხვ.) საქმეში მიღწეულ ახალ გაუმჯობესებათა ერთმანეთისათვის გადაცემის მიზნით; უნდა მოაწყონ პერიოდულად სოციალური შეჯიბრების ურთიერთი შემოწმება და ამის შედეგი მიაწვდინონ თავიანთი ქარხნების თვითველ მუშამდე და სპეციალისტამდე.

4. ვინაიდან უდიდესი მნიშვნელობა აქვს დეპუტატთა ჯგუფების მუშაობას სარკინისგზო ტრანსპორტზე რკინისგზელ მუშათა ფართო მასების აქტიობის მობილიზაციისათვის—სრულიად საკავშირო კომუნისტური პარტიის (ბ) ცენტრალური კომიტეტისა და ამიერკავკასიის სამხარეო კომიტეტის დადგენილებისა, ამხ. ანდრეევის ბრძანებისა და ამიერკავკასიის ცენტრალური აღმასრულებელი კომიტეტის პრეზიდენტის 1932 წ. თებერვლის 17-ის დადგენილების (ტრანსპორტზე დეპუტატთა ჯგუფების მუშაობის შესახებ) აღსასრულებლად, —საჭიროა გამოცოცხლებულ და გაძლიერებულ იქნეს მათი მუშაობა და საქალაქო საბჭოებმა და აღმასრულებელმა კომიტეტებმა დაამყარონ ოპერატიული დიფერენცირებული ხელმძღვანელობის გაწევა მათთვის და მიამაგრონ ამ ჯგუფებზე ცენტრალური აღმასრულებელი კომიტეტებისა და საქალაქო საბჭოების წევრები.

5. აღსანიშნავია—რა საბჭოების სუსტი მუშაობა ახალ მშენებლობებზე, საჭიროა პირველ ყოვლისა დიდრონ ახალ მშენებლობებზე მოეწყოს დეპუტატთა ჯგუფები და დამყარდეს სისტემატიური მუშაობა მათთან.

დეპუტატთა ჯგუფებმა ახალ მშენებლობებზე, სამრეწველო-საფინანსო გეგმის შესრულებასთან ერთად, უნდა მიაქციონ განსაკუთრებული ყურადღება მუშათა კულტურულ-საყოფაცხოვრებო მომსახურებას, მათ ინტერნაციონალურ განვითარებას და საწარმოთა მშენებლობის გამაიაფებელ ღონისძიებათ—ამხ. სტალინის ექვსი პირობის საფუძველზე.

იმ წარმოების დეპუტატთა ჯგუფებმა, რომლისაგანაც დამოკიდებულია საწარმოთა ვადაზე აშენება, უნდა მოაწყონ მეთვალყურე პოსტები დამკვრელ

ახალმშენებლობათა შეკვეთების თავის დროზე აღსრულებისა და მიღებისათვის კონტროლის გასაწევად.

6. საქალაქო მეურნეობის გაშლის საქმეში დეპუტატთა ჯგუფების მნიშვნელობის გაძლიერებასთან ერთად დიდი ყურადღება უნდა მიექცეს დეპუტატთა ჯგუფების მუშაობაში საბინაო მშენებლობას, საბინაო კოოპერაციას, ტრანსპორტს—ტრამვაის, ავტოს—და განსაკუთრებით სანიტარულ ღონისძიებათ და მუშათა დაბებისა და განაპირა ადგილების კეთილმოწყობას. ფართოდ უნდა იქნეს გამოყენებული დეპუტატთა ჯგუფების (ბაქო, ბათუმი) გამოცდილება ცალკეულ საწარმოთა და საქალაქო მეურნეობის ცალკეულ ნაწილთა მუშაობაზე და ახლად ასაშენებელ სახლებზე შეფობის მოწყობისათვის; აგრეთვე გამოყენებულ უნდა იქნეს ეს გამოცდილება სოციალისტურ ვალდებულებათა ორგანიზაციისათვის სამრეწველო-საფინანსო გეგმის ზედმეტად საჭირო გაწყობილობის დამზადებისა, რემონტის წარმოებისა, საქალაქო მეურნეობის ცალკეულ ნაგებობათა აგებისა და სხვა მისთ. საქმეში.

7. განსაკუთრებული ყურადღება უნდა მიაქციონ დეპუტატთა ჯგუფებმა საგარეთებნო მეურნეობის (ხილბოსტნეულის საბჭოთა მეურნეობისა და კოლმეურნეობის) მოწყობას, საშეფო საწარმოთა და საკოლმეურნეო სოფელთათვის პრაქტიკული დახმარების გაწევას თესვის და მოსავლის აღების დროს, საბჭოთა და კოლექტიური მეურნეობების ვაჭრობის გაშლას—სპეციალური ბრიგადების მოწყობით ბოსტან-საწარმოთა დასამუშაველად და ხელშეკრულობების დადებით ზედმეტი სასაქონლო პროდუქციის გაყიდვა-მიწოდების შესახებ.

8. პირადებით აღკვეთილ უნდა იქნეს უგეგმოზა და თვითმდინარეობა, რამაც თავი იჩინა დეპუტატთა ზოგიერთ ჯგუფში და ისინი უნდა გადავიდნენ მტკიცე საგეგმო მუშაობაზე—აღსრულებისათვის სასტიკი კონტროლის დაწესებით.

დეპუტატთა ჯგუფების მუშაობის გეგმა დაკავშირებულ უნდა იქნეს საწარმოთა პარტიული, პროფესიონალური და სხვა ორგანიზაციების მუშაობის გეგმასთან.

8. კადრების მომზადების სფეროში.

1. დეპუტატთა ჯგუფების ბიუროების თავმჯდომარეებისა, მდივნებისა, წევრებისა და საამქრო ორგანიზატორების კვალიფიკაციის ასამაღლებლად—საჭიროდ იქნეს ცნობილი, რათა მოეწყოს სოცმშენებლობის საღამოს კურსები მტკიცე-საწარმოო პრინციპის კვალობაზე (ტრანსპორტი, ნავთი და სხვა მისთ.).

1932 წელს გახსნილ იქნეს საბჭოთა მშენებლობის და სამართლის საღამოს უნივერსიტეტები ქალ. ბაქოში, ტფილისსა და ერევანში პასუხისმგებელ მომუშავეთა მოსამზადებლად და გარდასამზადებლად საბჭოთა მშენებლობის ხაზით.

2. დეპუტატთა ჯგუფების ერთ-ერთ ძირითად ამოცანად ჩაითვალოს: საბჭოთა აქტივის კადრების გამორკვევა და აღნუსხვა, მუშა-აღმასრულებლების დაწინაურება ყველა დაწესებულებაში, რომელიც უწყებულო საწარმოს საშეფოა, საშეფო კომისიებისათვის დახმარების მოწყობა და მათი მოქმედებისათვის კონტროლის გაწევა საანგარიშო მოხსენების მოსმენით.

3. დეპუტატთა ჯგუფებმა მაქსიმალური ყურადღება უნდა მიაქციონ სოც-შემთავსებელთა მუშაობას—მათი მომზადების ორგანიზაციით და მუდმივი კავშირის დამყარებით, რისთვისაც მოსმენილ უნდა იქნეს ზოლმე საანგარიშო მოხსენებები მათი მოქმედების თაობაზე, და დახმარების გაწევით მით, რომ თავიდან ააცილონ არანორმალობანი მათ მუშაობაში.

დ. მეორე ხუთწლედისათვის მომზადების სფეროში.

ხუთწლედის დამამთავრებელი წლის გეგმის აღსრულებისა და გადამეტებით აღსრულებისათვის მთელი თავისი ყურადღების მობილიზაციასთან ერთად დეპუტატთა ჯგუფებმა, საწარმოს სათანადო ორგანიზაციებთან შეთანხმებულად, უნდა უზრუნველჰყონ მეორე ხუთწლედის გაშლილი გეგმის შესადგენად საჭირო სამუშაოების მოწყობა—ისე, რომ ამ საქმეში მონაწილეობა მიიღონ მშრომელთა ფართო მასსებმა.

ამასთან დაკავშირებით საჭიროდ იქნეს ცნობილი ა/კსფსრ-ში დეპუტატთა ჯგუფების მუშაობის ესტაფეტის ჩატარება შემდეგ ამოცანათა შესრულების ხაზით: ა) ბაქოში ლენრაიონის მე-3 და მე-5 დამკვრელ სარეწაოთა გაწვევის რეალიზაციით დამთავრებულ იქნეს ა/კსფსრ ათი წლის თავის სახელობის ერთიანი დამკვრელი ბრიგადის ორგანიზაცია ხუთწლედის უკანასკნელი წლის გეგმის ვადამდე შესრულებისათვის; ბ) ჩატარებულ იქნეს დაგეგმვის სესხი, რაც შეადგენს მასსების მობილიზაციის საშუალებას მეორე ხუთწლედის შედგენისათვის და საწარმოთა საამისოდ მზადყოფნისათვის; გ) დაარსებულ იქნეს ეკონომიური დამოუკიდებლობის ფონდი.

მიენდოს ამიერკავკასიის ცენტრალური აღმასრულებელი კომიტეტის საორგანიზაციო განყოფილებას—დაიმუშაოს ერთი დეკადის ვადაზე დეპუტატთა ჯგუფების მუშაობის ესტაფეტის ჩატარების ფორმები და მეთოდები.

დადგენილება ამიერკავკასიის ცენტრალური აღმასრულებელი კომიტეტისა.

130. ა/კსფსრ შრომის კანონთა კოდექსის 68 და 87 მუხლებისათვის შენიშვნის დამატების შესახებ.

ამიერკავკასიის ცენტრალური აღმასრულებელი კომიტეტი ადგენს: ა/კსფსრ შრომის კანონთა კოდექსის 68 და 87 მუხლებს დაემატოს შენიშვნა შემდეგი შინაარსისა.

შენიშვნა. მოცდენის და ბრაკის სასყიდელი წარმოებაში და ტრანსპორტზე რეგულირდება სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1931 წ. დეკემბრის 30-ის დადგენილებით „წარმოებაში და ტრანსპორტზე მოცდენისა და ბრაკის სასყიდლის მოწესრიგების ღონისძიებათა შესახებ“ (სსრკ კან. კრ. 1932 წ. მე-2 №-ი, მუხ. 11) და სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1932 წ. მარტის 27-ის დადგენილებით—



სსრკ-ის ცენტრალური აღმასრულებელი კომიტეტისა და სახალხო კომისართა საბჭოს ზემოაღნიშნული, 1931 წ. დეკემბრის 30-ის, დადგენილების შეცვლისა და დამატების შესახებ (სსრკ კან. კრ. 1932 წ. 23 №-ი, მუხ. 144).

ამიერკავკასიის ცენტრალური აღმასრულებელი კომიტეტის თავმჯდომარე ფ. მახარაძე.

ამიერკავკასიის ცენტრალური აღმასრულებელი კომიტეტის მდივანი გ. სულთანოვი.

1932 წ. აპრილის 27.
ტფილისი.

დადგენილება ამიერკავკასიის ცენტრალური აღმასრულებელი კომიტეტისა.

131. კალა-მაშტაგინის სარაიონო აღმასრულებელი კომიტეტის თაობაზე გამოტანილი სსრკ-ის ცენტრალური აღმასრულებელი კომიტეტის პრეზიდიუმის 1931 წ. ოქტომბრის 23-ის დადგენილებისა და ამიერკავკასიის ცენტრალური აღმასრულებელი კომიტეტის პრეზიდიუმის 1931 წ. დეკემბრის 13-ის დადგენილების რეალიზაციის მსვლელობის შესახებ.

ამიერკავკასიის ცენტრალური აღმასრულებელი კომიტეტი ადგენს:

1. აღნიშნოს, რომ აზერბაიჯანის ცენტრალური აღმასრულებელი კომიტეტის პრეზიდიუმმა თავის დროზე არ შეასრულა სსრკ-ის ცენტრალური აღმასრულებელი კომიტეტის პრეზიდიუმის 1931 წ. ოქტომბრის 23 დადგენილება და ამიერკავკასიის ცენტრალური აღმასრულებელი კომიტეტის პრეზიდიუმის 1931 წ. დეკემბრის 13-ის დადგენილება—კალა-მაშტაგინის სარაიონო აღმასრულებელი კომიტეტის ლიკვიდაციის შესახებ.

2. რადგანაც კალა-მაშტაგინის სარაიონო აღმასრულებელი კომიტეტი სპეციფიურ პირობებშია, მიღებულ იქნეს აზერბაიჯანის ცენტრალური აღმასრულებელი კომიტეტისა და ბაქოს საბჭოს გადაწყვეტილება კალა-მაშტაგინის სარაიონო აღმასრულებელი კომიტეტის ლიკვიდაციისა და ამ სარაიონო აღმასრულებელი კომიტეტის 13 სასოფლო საბჭოს ქ. ბაქოს კიროვის სარაიონო საბჭოსათვის გადაცემის შესახებ—კალა-მაშტაგინის აღმასრულებელი კომიტეტის საგარეთუბნო სარაიონო საბჭოდ გადაკეთებით.

3. თანახმად სსრკ-ის ცენტრალური აღმასრულებელი კომიტეტის 1932 წ. იანვრის 27-ის დადგენილებისა (ოქმი № 27)—1932 წლის შემოდგომამდე რაიონების საზღვრების შეცვლის შეჩერების შესახებ—ამა დადგენილების მე-2 მუხლი წარედგინოს დასამტკიცებლად სსრკ ცენტრალური აღმასრულებელი კომიტეტის პრეზიდიუმს.

ამიერკავკასიის ცენტრალური აღმასრულებელი კომიტეტის თავმჯდომარე მ. ევენდიევი.

ამიერკავკასიის ცენტრალური აღმასრულებელი კომიტეტის მდივანი გ. სულთანოვი.

1932 წ. მაისის 27.
ტფილისი.

დადგენილება ამიერკავკასიის ცენტრალური აღმასრულებელი კომიტეტისა.

132. ა/კსფსრ უზენაესი სასამართლოს დებულების მე-11 მუხლის შეცვლის შესახებ.

ამიერკავკასიის ცენტრალური აღმასრულებელი კომიტეტი ადგენს:

აკსფსრ უზენაესი სასამართლოს დებულების მე-11 მუხლის პირველი აბზაცი (აკსფსრ კან. კრ. 1931 წ. მე-16 №-ი, მუხ. 191) მიღებულ იქნეს შემდეგი რედაქციით:

„მუხ. მე-11. ა/კსფსრ უზენაესი სასამართლოს პლენუმი მოეწყობა შემდეგი შედგენილობით: ა/კსფსრ უზენაესი სასამართლოს თავმჯდომარე, ორი მისი მოადგილე, ა/კსფსრ უზენაესი სასამართლოს კოლეგიების თავმჯდომარენი, კავკასიის წითელდროშიანი არმიის სამხედრო ტრიბუნალის თავმჯდომარე და ცხრა წევრი, რომელთაც დანიშნავს ამიერკავკასიის ცენტრალური აღმასრულებელი კომიტეტის პრეზიდიუმი, აგრეთვე, ა/კსფსრ შედგენილებაში შემავალი რესპუბლიკების უზენაესი სასამართლოების თავმჯდომარენი“.

ამიერკავკასიის ცენტრალური აღმასრულებელი
კომიტეტის თავმჯდომარე **მ. ეფენდიევი.**

ამიერკავკასიის ცენტრალური აღმასრულებელი
კომიტეტის მდივანი **გ. სულთანოვი.**

1932 წ. მაისის 27.

ტფილისი.